

TOKOLOHO E TLETSENG

Ke ne ke batla ke sa tsebe seo nka se buang hoseng hona.
Ke ne ke lutse morao mane le Moena Egan, eaba ke utloa... Moena Neville a nts'a bua ntho e 'ngoe mono, 'me a nchebile. 'Me ka re ho Moena Egan, "Na o bitsa 'na?"

'Me a re, "O a u bitsa."

² 'Me joale ke 'na enoa holimo mona hoseng hona ho bua ntho e 'ngoe. Ke ne ke nahanne, ha ke ne ke... Fene eo mono, moo ba... e hula lentsoe, eka e le hulela ka ntle, ha u bua. Eka fene eo e tlosa lentsoe ho hang.

Ke utloile ho... bopaki ke sa le ka mono ho rapella mosali mohaleng. 'Me motho ea amohetseng molaetsa, a lebala ho ngola motse o letsetsoang, ho tsoa ho mosali oa Ngaka Morrison. 'Me ke tla le bolella see ke se entseng, ka lithapelo tsa lona tsohle, le ea ka. Ke ile ka bea matsoho fonofonong, 'me ka supa moo nomoro e ne e le teng, 'me ka kopa Moea o Halalelang ho ea ho mosali. Ke nahana O tla utloa ntho eo joale ka ha A tla etsa hola... Le a bona? Eaba ke e beha fats'e. 'Me e ka ba mokhoa oo Morena a ne a batlile kateng. Le a bona? Mohlomong ho ne ho tla ba molemo ka tsela eo.

³ Eaba ke utloa bopaki ke sa le ka mono, motho a re Khaitseli Rook o n'a ts'oeroe... Ke kholoa Moena Neville a its'e o ne a ts'oeroe ke—ke ntho e kang, ho putlama ha kelello. A re its'oarelleng ho Molimo ka hona, ho hopola ntho e le 'ngoe ena feela: Molimo o tseba ba Hae ka Sebele. O tseba tsohle ka bona.

⁴ Le khona ho utloa hantle ka morao? Ha le sa khone, litulo tse se nang letho li sa le teng holimo mona. Le ka fetola malulo ha le batla. 'Me, a re boneng, na ke maekrofone o moholo oo? [Moena o re, "Che, monghali."—Mong.] Na ona o ka *mona* ke maekrofone o moholo? Ho lokile. Re tla bona hore re ka se o atametse ho se hokae na. Ho ka ba joang moo, Gene? Ho tla itokela. 'Me ka linako tse ling ke tjha lentsoe. E sa le ke rera nakoana. Ho molemo? Na le utloa hantle ho feta?

⁵ 'Me ruri re hopola bana thapeleng. 'Me re batla ho tlaleha kopano e babatsehang tlase koana...

Na ke shebile Khaitseli Rook? Eka ke bone mofumahali ea kang eena morao mane. Ka nahana, "Ruri ha ke bue habeli mona." Ke shebile motho ea kang eena, ho ella morao. O kokelong ea Saint Edward.

⁶ 'Me ka hona, koana Cleveland, Tennessee, le koana California, re bile le kopano e babatsehang. Morena a hlohonolofatsa haholo, le lintho li ngata tseo A li entseng. 'Me

re thabetse hoo. Ke thabo ha re khona ho khutlela lesakeng la rona, ho phetha ho loka le mohau oa Molimo. Ba ne ba sebetsa joalo Bibeleng.

⁷ Ke ananetse Moena Neville, kapa thapelo ea Moena Beeler, kamoo a rapeletseng batho, le—le ho kopa thuso le mohau. 'Me ha re ka sheba, lona ka mehla, ntho ka 'ngoe e etsahalang, le tla fumana ntho ea sebele ea makhonthe ka eona. 'Me eitse ha Mona Neville a tlisa batikone bana, le joalo-joalo, holimo mona kalaneng, ho—ho hlohonolofatsa e—e monehelo oa kereke, ka mo utloa a bua le Molimo, ka banna bao thapelang ea hae, kamoo ba rapellaneng. 'Me ho a nthabisa ho utloa molisa ea ka rapellang batikone ba hae, le batikone ba rapella molisa. Ha u bona kereke e sebetsa 'moho ka tsela eo, che, ntho e mothating oa ho etsahala. Ke kamoo kereke e tlamehileng ho kena taalong. 'Me e tlisa mohopolo oa mohlolithero. Ke ne ke batlile ho bua ka lehlohonolo la Kadesh, le khanyetso ea ho utloa molaetsa oa lihloela, empa eaba ke fetolela mohopolo oa ka, nthong e 'ngoe.

⁸ 'Me joale, mabapi le pholiso, ke na le bopakinyana boo ke batlang ho fana ka bona. Ke ne ke ts'epile ho bona moshanyana oa ka, Billy, morao mane, empa o bo kentse ka mokotlaneng oa hae.

'Me Billy o ntse a ntlafala likopanong ho feta pele. O ne a ferekana, a tlalellana, 'me a re ho batho, "Oh, tsa'mo lula fats'e. Tsa'mo lula fats'e." Ho re, "Ke—ke tla u fa setlankana sa ho rapelloa." Empa ke elletsoe, haufinyane, ho na le batho bao a ba utloelang boholoko ka hara kopano. Ha a se na litlankana tse setseng tsa ho rapelloa, o ee a ba kenyé ka hara phaposi ke tle ke ba rapelle.

⁹ 'Me ntho e kang eo e etsahetse mane Chicago, khetlong la ho qetela. 'Me ke rata ho bala lengolo leo ha a ka kena. Ha ke eso 'mone. Ha a tseba ke tla fihla hoseng hona, koano mona, le—le ho batla—batla lengolo. Ke mpile ka le hopola ha ke nahana ka maloetse a mangata hakana. 'Me ke lena kamoo le leng kateng. Ke lengolo le tiisitsoeng leo...

Ke ne ke le bala leseling la litaba, (ha ho joalo; ke boleletsoe) moo lipmapiri li ne li nyefola Oral Roberts, ka ho rapella mosali oa lefu la tsoekere 'me a shoa. 'Me 'na, joale, joale ka mo-Amerika, ke—ke rata ho mamela melao le—le motho ea boholong. Empa ke nahana hoo e se toka. Kea ipotsa ba ka rata ho hlahaha, pampiring, bohole ba rapeletsoeng ke Oral Roberts 'me ba fola, bao lingaka li ba hanneng. Kea ipotsa, ha ba ka fetola maoa hang, le a bona. Ba ke ke ba etsa hoo. 'Me ke nahana Liabolosi a ba rarahantse hona, hoo, 'me Molimo o a e lumella, hore ka Letsatsi la Kahlolo ba tle ba arabele hoo. Empa ke tseba likete tsa batho bao Oral Roberts a ba rapeletseng, ba neng ba shoa, 'me ba folile.

¹⁰ Ka baka leo, le a bona, ba leeme. Ba ee ba hlahise lehlakore la bona, lehlakore le nyatsuoang, empa ha ba hlahise lehlakore le leng. Joale, pampiri e tlamehile ho bea batho leseling la lintho tse etsahalang. 'Hape ke nahana, ha batho ba tsotellana, ha e mong a fola, a fola ruri, pampiri ea Linaheng tse Kopaneng e tlamehile ho hlahisa seratsoana sa eona. Empa leha u ka ba lefa ba ke ke ba e etsa. Che. Ha u nka ntho e kang eo mono, ba tla keketeha ba e ts'ehe, 'me ba e fetole. Empa ha ho e-na le ntho e ka seholloang... Ho bonts'a feela ha sechaba sena se loketsoe ke kahlolo. Ke hantle. 'Me kahlolo e ts'oanetse ho latela, 'me ha ho mokhoa oa ho e phema. 'Me ba mpa ba ipokella mollo hlohung tsa bona, le joalo-joalo. Le ntho e—e... karohano, melaong! Pampiri, melao ea eona, ke ho—ho hlahisa batho leseling ka ntho efe feela e lokileng kapa e mpe, e hlahang. Empa ba ritsitse melaong ea bona. 'Me ha ba ritselitse hole le melao ea bona, joale ba—ba ke ke ba fihlela sepheo sa bona hantle.

¹¹ 'Me ho joalo le ka kereke. Ha kereke e ritselitse hole le lits'oanelo tsa eona, efela e ke ke ea sebeletsa bahalaleli hantle. Re tlamehile ho lula 'moho, re tlamehile ho ba bang. Re tlamehile ho ba pelo e 'ngoe le mohopolo o mong. Ho seng joalo, re ke ke ra sebeletsa Molimo kapa batho, ha re se pelo e 'ngoe le khopolo e 'ngoe, ho ema melaong ea Bibele le linthong tseo Molimo a itseng li lokile. Re ts'oanetse ho ema ho tsona ka mehla.

¹² Billy o ne a hanelletse ka phaposing, mane Chicago, a... Motho o ile a tla ho eena, mosali le monna oa hae, ea ts'oeroeng ke mofets'e mats'oafong, a eshoa. 'Me mosali oa hae e le phofu ea pholio setulong sa bakuli, 'me a leka ho hlokomela monna ea n'a s'a khone le ho ema, ka mofets'e lets'oafong la hae. Eaba Billy o re ho eena, a re, "Ke—ke masoabi, monghali." Ho re, "Nka thabela ho u fa setlankana sa ho rapelloa." Eaba o re, "Empa ha ke—ke sa na se setseng."

¹³ Eaba o re, "Che, ho lokile, mora." A re, "Ho itoketse." Ho re, "Re lekile ho fihla mona, empa maemo ha a re lumelle."

¹⁴ Billy a re, "Ke tla u bolella o etse'ng." Ho re, "Ke tla lata ntate. 'Me ke tla mo kenya, ke ntoo mo nts'a." Eaba o re, "Ha ke etsa joalo, hang ha u utloa Molaetsa oa hae," ho re, "joale u ts'oare... kapa uena le mosali oa hao, 'me le kene ka phaposing e nyenyane moo ke fetang le teng, 'me ke tla re a u rapelle."

¹⁵ "Oh," a rialo, "ke bots'epehi boo, mora. Ho lokile haholo." Le a bona? Ke boo—ke boits'oaro boo. Le a bona? "Ho hotle haholo. Ho itoketse." Le a bona?

¹⁶ 'Me bosiung boo, Billy, ha a khutlela morao mono, a ntse a le khahlano le seo a se buileng, sware oa hae ea lutlang mali ka baka la hemoreje ea mats'oafao a lutse mono. Le sware sa hae sa mosali se le teng, se lutla mali ka maleng, ka baka la dialsa, hape ba bile ba tlie le bona, a batla a oela lehlakoreng la ho

thusa ho ba kenya ka hare. U tlamehile ho sheba, phaposi eo e ka tlala, le a bona. Empa ka ho feta le ho ba rapella, re amohetse lengolo le arabelang, ka poso, hore monna eo o folile ka ho phethahala mofetseng oo oa mats'oafo a hae. Mosali, mofumahali ea setulong sa bakuli, o tsohile, o tsamaea hohle a boetsa setloaeling sa pele. Monna ea ts'oeroeng ke lihemoreje tsa-tsa mats'oafo, ka baka la lefuba, o folile ka bottlalo. Le mosali oa hae o phetse lialseng. Bone ba bona bo folisitsoe, ka ho otloloha! Kea ipotsa lipampiri tsa litaba li ka rata ho hatisa ntho eo na. Le a bona? Le a bona? Le a bona? Oh! Empa Molimo e sa le Molimo. O mpa a sebetsa lintho ka tsela ea Hae ka Sebele, le a tseba, 'me O lokile hakakang. Re thabetsa haholo ho tseba hore Ke Molimo.

¹⁷ Re ne re qoqa ka moreri e monyenyanee eo re mo tsebang hoseng ho hong, ea na tloaetse ho potoloha, ho rapella bakuli le ntho eohle. Eaba o ea kokelong ea Louisville ho rapella motho, e le bothata ba lefuba, mofumahali a shoa. Thaka leo la re, "Che, ha ho hlokahale... Molimo ha o... Molimo ha a eo. O ne a tla boloka Lentsoe la Hae." Ho re, "Ke mo tlotsitse kamoo—kamoo Bibebe e boletseng. Ha A sa boloke Lentsoe la Hae, Yena ha se Modimo." Ho re, "E mpa e le buka feela."

¹⁸ Joale, moo eka ho joalo ntle leha u ne u tseba Molimo. Ke karolo ea Mangolo eo, empa ha se Lengolo lohle. E its'etlehile tumelong ea motho. Le a bona?

¹⁹ Eaba ke re ho mosali oa ka, ka re, "Ho na le lintho tse ngata hakana tse etsahalang, hoo ke tsebang hore hoo ho teng. Ha ke tsebe se tla ntlhahela qetellong. Mohlomong le 'na nka nka tsela eo. Ha Molimo o ka tlosa letsoho la Oona la mohau holim'a ka, ke tla qetella ka tsela eo. Empa ha feela A beile letsoho la Hae la mohau le tataiso holim'a ka, ke tla tsoelapele." Empa ka botsa Meda, ka re, "Ke Mang ea n'a le ka phaposing hoseng hoba ke bone pono ea moralinyana oa ka, Sharon?"

²⁰ Ebile, tsatsi le leng, ke batlile ke akheha. Ke ne ke lutse seterateng. 'Me le tseba pale ea ka ea pono ea hae, hamorao. Eaba kea sheba, ho hlaha ka lehlakoreng la ka, 'me ha hlaha ngoanana ea theosang ka seterata mona Jeffersonville, a ts'oana hantle le ponong. Ka lokela ho suha matsoho a ka 'moho. A ts'oana hantle le pono eo ea Sharon oa ka e monyenyanee! E le mosetsana e mocha nakong eo.

²¹ 'Me ka morao ho pono eo hoseng hoo, Khanyeng, ka... Hope o ne a mpolella, sephaka sa hae se kopetse lehetla la ka, a re, "Se toute ka rona, Bill. Re maemong a matle ho feta." Ke ne ke leka ho ipolaea. Eaba o re, "U se ke ua toute. Nts'epise hore u ke ke ua hlola u toute."

²² 'Me ka re, "Nke ke ka e ts'episa, Hope, hobane ke—ke—kea... a toute. Ha ho letho leo nka le etsang."

²³ Eaba pono e a ntlohela, ke eme ka hara phaposi e lefifi. 'Me e ne e se pono, e se monahano, empa sephaka sa hae se ntse se nkopetse. 'Me a ntse a mphathatsa. Ka nahana, "Be butle. Hona ha se. . ." Ke sa tsebe seo nka e bitsang sona mehleng eo, pono. Ke e bitsa ho haptjoa moea. Ka re, "Hona ke. . . Eena letsoho le sa le teng." Ka re, "Ana u teng mona, Hope?"

²⁴ A re, "Bill, nts'epise hore ha u sa tla touta ka 'na le Sharon." Kahobane, ke ne ke le pheletsong ea tsela. Ke le mothating oa ho ipolaea.

Ka re, "Kea u ts'episa." Eaba o a nkhaka, 'me a mphathatsa ka letsoho la hae.

Eaba ke—ke re, "Hope, u hokae?" Ka fumana...ka phopholetsa, ho fihlela ke qhautsa ketane e nyenyane ea lebone 'me ka e hula. Ka ea koana le koana, ke lekola setulo ka seng, ho bona ha eba a ne a lutse mono.

Ke Molimo. Kajeno, E sa le Molimo hakaalo, kaha A n'a le Thabeng ea Phetholelo mohla Moshe le Elia ba ne ba hlaha. E sa le Molimo.

²⁵ Re ka feta hara mats'oenyeho a mangata le diteko. Le hopole feela, Ea tsebang O teng, ho bonesa tsela, ho e netefatsa. Ha ke tsebe se ka morao ho lesira. Empa ke tseba ntho e le 'ngoe, ke pheella pheo ea pitso e holimo, letsatsi le letsatsi, ho leka ho pheela ketsahalo e kholo eo e tla hlaha tsatsi le leng; mohla ke 'Monang, sefahleho le sefahleho, 'me ke pheta pale, "Mohau o mpholositseng." Ke lona letsatsi leo ke le phelelang. Ke siea lintho tseo ka morao, tse leng teng, ke batla ho hahamalla pele, ho 'na ke hatella ka matla.

²⁶ Ke batla Tabernakele ena, joale erekaha le eme ka maoto a lona, ke batla le 'ne le hahamalle pheo ea pitsoe holimo. Sohle seo le se etsang, le khomarelane, le be lesika kamoo le ka khonang, empa ka mehla le ntse le nts'itse letsoho, ho nanabela le ho ts'oara motho e mong, ho ba kenya ka hare. Empa Tumelong ena eo re e bolelang re bile re e loanela ka matla, le se ke la sutha ho Eona ka nokonyana. Hoba, ha le fela le lumela ke le mohlanka oa Hae, lena ke lenaneo la Molimo. E ke ke ea ba palo e kholo ho hang. E tla ba palo e nyenyane ka mehla, e sa le ho le joalo 'me ho tla lula ho le joalo. Empa, le hopole, ho ngoliloe, "Se ts'abeng, mohlatsoana; ke thato ya Ntat'a lona ho le fa 'Muso."

²⁷ Joale, ho na le sehlopha sa liofisi tsa kereke ea rona, batikone, literaseti, supritente oa sekolo sa Sontaha, balisa, kamoo kereke ea rona e laotsoeng kateng. 'Me ke lona, batho, ba khethileng liofisiri tsena le molisa enoa. Ke mpa ke le mookameli ea akaretsang, ho bona hoba e tsamaea hantle, le ho eletsa le ntho tse joalo. Ke lona ba khethang molisa oa lona, le khetha literaseti tsa lona, le khetha batikone ba lona, le khetha ofisi ka 'ngoe e ka hara kereke ena; lona, batho. 'Me ke ts'oanelo ea lona ho ema le

banna bao, le a bona, hoba ba tla etsa liphoso. Ke batho ba nama. Ke banna feela, 'me ba tla etsa liphoso. Empa ha Mopresidente oa Linaha tse Kopaneng a etsa phoso, na re mo kharameletsa ntle, joale ka Presidente? Rea e lebala re tsoela pele. Ke kamoo re batlang ho ts'oara kereke ea rona kateng joale. Ke ne ke mo mameitse a rapella, metsotso e 'maloa e fetileng, batikone bao. Le ho utloa morao mono, bopaki, monyako, ka literaseti, kamoo le leng khopolo e 'ngoe kateng. Joale, le lule ka mokhoa oo. Joale, lona phutheho le eme le literaseti tsena, batikone, le molisa. 'Me le hopole, ha le kopana ka tsela ena, le hopole ke mosebetsi oa Liabolosi ho bona ntho eo e arohane. Joale ho bile joalo kamehla 'me ho tla ba joalo ka mehla. Empa le eme le liofisiri tsa lona, 'me e ne e le suo eo ke batlileng ho e nts'a.

²⁸ 'Me mona hape ke ts'oere tse ling . . . ntho e itseng ea letlapa la litsebiso hoseng hona, mabapi le kopano ea makhotla le matla a bona. 'Me e tla hlahisoa letlapeng la litsebis. 'Me ke ts'oere kopi ea Moena Roberson, e leng molulasetulo oa li- . . . oa literaseti. Hape ke ts'oere kopi ea Moena Collins, kea kholoa, ea sebetsang joale ka molulasetula oa lekhotla la batikone. 'Me joale, liofisi tsena tsohle li behoa ho latela Lengolo. Ba ts'oanelia ho fuoa melao e Lengolong mabapi le seo ba ts'oanelang ho se etsa. Ka baka leo, literaseti li na le ofisi ea tsona. Le batikone ba na le ofisi ea bona. Supritente oa sekolo sa Sontaha o na le ofisi ea hae. 'Me molisa ke hloho ea mohlape.

²⁹ Joale, e mong le e mong oa bana o na le ntho ea kopanelo. 'Me ke nahana kopano ea lona e sa lokela ho ba 'moho, empa e ka khona e be ofisi ka 'ngoe, hoba ho se letho leo batikone ba ka le bolellang leteraseti ntle leha ba na le mosebetsi oo ba batlang ho o hlahisetsa bona. Le ka ho fapanjetsana, literaseti li shebana le lichelete le thepa ea mohaho; ha ba amane le batikone. Batikone ke mapolesa a kereke, 'me ke bathusi ba molisa. 'Me literaseti li ts'oere sets'a sohle. Literaseti ha ho moo li amanang le taba tsa eona tsa moea, 'me batikone ha ho moo ba amanang le taba tsa eona tsa lichelete. Ka baka leo, ho loketse joalo. 'Me superitente ea sekolo sa Sontaha e okametse sekolo sa Sontaha sa eona. Ka hona ke e ngotse kaofela, ke e tlantse, e tle e beoe letlapeng la litsebiso.

³⁰ 'Me hape re tla fumana, ka foreime, Thuto eo kereke e e emetseng, le ho e foreima ka monas, ka hara kereke; seo re se emelang, e—e melao, Thuto ea kereke. Joale, ho ka ba kereke, re tlamehile ho ba le thuto.

³¹ Ha re hlome thupa, re re, "Re tsamaea bohole bo bo *kana*." Re tsamaea bohole boo, ka setsoalle le motho mang le mang, Molimo a re lumellang ho bo tsamaea, Mangolong a Hae, le batho. Joale le khomarelane, le be le khopolo e 'ngoe, pelo e 'ngoe, 'me le tsamaele Molimo. Ke kamoo Molimo a re batlang re etsa kateng.

Joale ha re rapeleng, re ntoo bulu Lentsoe.

³² Oho Morena ea khabane, joale re mothating oa ho atamela Lentsoe le Halalelang, kapa palo ea Lentsoe lena. Moea oa Hao o Halalelang o ke o re tolokele seo re se hlokang. 'Me re ke re bue, Morena, re be re phethise re phele, rea tseba re bana ba Hao ka mohau, joale ka ha U re bitsitse. Ho ke ho theoe setsoalle ka hara kereke ena, re ntse re bona hobane re mothating oa ho kena khatong e kholo, re a utloa, ea ho romela bareri ba bang ka ntle masimong moo, ha U ka nthomela likarolong tse fapaneng tsa lefats'e, mono ho thea Tumelo, le ho lokisa moreri ea ikemiselitseng, le ho koetlisetsoa ho nka taolo. 'Me Tumelo e kileng ea fuoa bahalaleli ka nako e 'ngoe, eo re e emetseng ka bonatla hakana, e ke e like lefats'e. Fana ka sena, Morena. 'Me qujoana ena ea lehola, kamoo e ne e le kateng mohla re ne re e khakolela Uena, ho ke ho hlahe kereke mona, Morena, ho eona ho tle ho tsoe bareri le baevangeli le baruti le limishinari, ho ea likarolong tsohle tsa lefats'e.

³³ Rea kopa, hoseng hona, lehlohonolo le ikhethang bakeng sa Moena oa rona le Khaitseli Stricker ba mahlomoleng joale. Empa rea tseba bohole re fetisoa litekong tsena. Mora e mong le e mong ea tlang ho Molimo eka khona a lekoe, a lauoe. 'Me ha re tela habonolo, 'me re khutla, re tla be re le bana ba bonyatsi, 'me e seng bana ba Molimo. Fa Moena le Khaitseli Stricker matla le bonatla, ho tiisetra mosebetsing oa bona. Ha eba ba lokela ho kopa lijo tseo ba li jang, letsoho la Hao la lehlohonolo le be holim'a bona. Hoba ha re tsebe empa mohlomong e ka ba ka matla ona ao U tlang ho bonts'a batala ba Afrika seo Mokreste oa sebele a leng sona. Fana ka sena, Morena. Joale hohle ho etsoe ka thato ea Hao.

³⁴ Hlohonolofatsa molisa enoa, Moena Neville. Rea rapela, Morena, U ke u mo etse molebeli oa mohlape, joale ka ha U entse mehleng e fetileng. 'Me re ke ke ra lebala mosali oa hae e monyenyane, ea ratehang ea kulang haholo. Sera se rata ho siea Moena Neville ka sehlopha seo sa bana, se se na 'me, empa re ema le ho bea, ka tumelo, Mali a Jesu Kreste pakeng tsa sera seo le khaitseli oa rona. Moea oa Hao, Morena, o sebetse ka matla ho eena, ka ho tseba hobane basali bohole ba abetsoe ho tsamaea khohlong ena, ea lefifi la mongoaha ona, empa re U rapela ho ba le eena. Hlohonolofatsa bana ba banyenyane bao. O tla ferekana joale, 'me a fokole, empa Moea o Halalelang o ke o eme monyako oa mohau, ka linako tsohle, ka lelapa leo.

³⁵ Hlohonolofatsa lekhotla la rona la literaseti, Moena wa rona Wood, le Moena oa rona Egan, Moena Roberson, le ba bang bohole, Morena. Batikone, literaseti, le bohole ba ikmahanyang le kereke, rea rapela, Morena, U tle u ba lumelle ho sebetsa sehla sa bona ka khalalelo le-le ho loka. Hlohonolofatsa bao, Morena, ba sebelitseng nakong e fetileng. 'Me re U rapela ho tsoelepele ho ba le rona bohole, re tle tsebjoe re le kereke ea kopano, le Moea le lerato la Morena. Re rapela

joale U ke u re ngoathele Lentsoe, kamoo re hlokang kateng, joale ha re bala Lentsoeng la Hao le ngotsoeng. Hoba re e kopa Lebitsong la Jesu. Amen.

³⁶ 'Me ha ke ntse ke rapela, ke ne ke nahanne ha re ntse re hlohonolofatsa kapa re kopa hlohonolofatso bakeng sa lekhotala joale... le lecha la literaseti le joalo-joalo, ke ne ke hopotse Moena oa rona Fleeman le Moena Deatsman le bao ba lutseng mona, ba sebelitseng hantle, pele. 'Me re batla ho lebohela Molimo ka mosebetsi oa bona o ts'epahalang. Morena a ke a be le bona ka mehla, ho ba hlohonolofatsa le ho ba thusa. Ke batla ho bala pele... Le hopole feela joale, letlapa la litsebiso le ntho tse joalo, le likopano tse tlangu.

³⁷ 'Me hoseng hona, re thabetse ho ba 'moho... Che, nka e beha tjena, monna ea bileng bohlokoaa ho 'na, nako e fetileng, 'me o bohlokoaa le joale, moena ea lokileng, Fred Sothmann, ho tsoa... le mosali oa hae, ho tsoa Saskatchewan, Canada, ea leng mona ho jaka le rona, sechabeng sa rona, mojaki; empa kopanong ea rona, ke moena ea ratoang, Moena Fred Sothmann ea lutseng mono. 'Me o ntsamaisetsa lets'olo mohla ke ne ke le Canada.

³⁸ Le Moena e mong ea bohlokoaa e ne e le mo-Canada pele, e le rakhoebo, 'me a ka pakela lefatshe hore u ke ke ua nehela ho feta Molimo. Eena le motsoalle oa hae ba ne ba bope mokhatlo oa lichelete ho haha sebaka, kapa morero oa ka ntle oa bomishinari, mokhatlo. Eaba ba mpitsetsa Oakland, kopanong, 'me ba re ba na le chelete. Ba tla e ts'ehetsa eohle, ka mokhatlo oa bona.

³⁹ 'Na le Moena Fred re kile ra leka ntho eo ka chelete eo Moena Fred a bileng le eona, ke tle ke se e etse ka bona. Ka hona ra rera ho e abela batho ba Canada 'me re sa phuthe monehelo, empa ea se ke ea tsamaea hantle hakaalo. Likopano tsa ba ntle. Empa erekaha re sa ka nka monehelo... Ha ke tsotelle leha kereke e ka ja libillione tse lekholo tsa lidolara, e sa le ts'oanelo ea lona, ho Molimo, ho nka monehelo. Ke karolo ea boarapeli eo. 'Me ha u khothotsa ntho eo... Kamoo ke bileng khahlano le chelete le lintho tse kang tseo, ke fumana hore, motho ha u fositse, u hle u ikamohele u le phoso, hoba 'na le Moena Fred re e bone e sa tlamahane hantle hakaalo.

⁴⁰ 'Me, Moena Borders, ha ke tloha ho Moena Fred ho tla ho lona Oakland, ka re, "Le se ke la etsa joalo. Le fetise sejana feela, le phuthe monehelo, 'me, leha e ka ba eng, le e keny'e mokhatlong oa lona ebe ea kopano e 'ngoe kae-kae."

⁴¹ 'Me le pele lits'ebeletso li fela, Moena Borders le metsoalle ea hae ba tla ho 'na, 'me ba re, "Leha re abetse e—e kopano hakaalo, e se e anetse."

⁴² 'Me eaba, matsatsi a 'maloa a fetileng, o etsa lithophiso tsa kopano koana San Jose, California, moo mohlomong, kea kholoa a bileng le likereke tse mashome a ts'eletseng kapa

mashome a supileng phuleng, a litumelo tsohle tse fapaneng tse sebetsang 'moho. Ra ts'oara kopano e babatsehang, 'me re khutlela teng hape, Pulungoana. Re thabetse ho ba le lona, Moena Borders le Moena Fred ba lutseng morao mane. 'Me mohlomong ha le tsebe banna, empa e bile baena ba bohloko a ho 'na ka ntle koana masimong, ho loanela ka matla Tumelo eo re e emetseng. Molimo a hlohonolofatse, moena. Re thabetse ho ba le lona hoseng hona, ka hara tabernakele e nyenyane, ea khale mona. Ha e khahlele hakaalo. Empa ntho e teng mona, eo, rea tseba hobane Molimo o lula mona, le a bona, ka hona re thabetse hoo. 'Me ho sa na le baena ba bohloko a, hola ke e-na le nako ea ho thonya, ba nang le rona kajeno.

⁴³ Joale ke lebeletse 'me ke rapella hore matsatsing a 'maloa a latelang, ha Morena a rata, ke batla ho ea, ke utloa ke etelloa pele... Ha ke eso e tsebise. Kopano e latelang, Ohio, ho etela Moena Sullivan, sets'eng sa ho hloma, nakoaneng e khuts'oane. E ka ba limaele tse lekholo holimo mono, kea kholoa, Gene, ntho e kang eo. E tla ba leeto le letle, ha u e-so rere phomolo ea hao, ha Morena a ka tsoelapele ho re tsamaisa. Monna ea lokileng haholo, 'me re ananela Moena Sullivan, haholo. Feela... Ke ramotse. 'Me ke ramotse oa mehleng, 'me ke mo-Kentucky oa mehla ea khale. Ke phetho seo nka se buang ka eena. Mohla ke ne ke kopana le eena tsatsi le leng ka hara... Bobeli re holetse mono lithabeng tsa Kentucky. A re ho 'na, "Na u sa khoesitse asafetida ea hao molaleng oa hao, Billy?" Joale, le tseba ka moo—ka moo e leng mo-Kentucky kateng. Joale ha re phetleng ho...

Joale ha ke nyatse baena b'eso ba Kentucky mona, Moena Jefferies, le joalo-joalo. Le 'na, ke mo-Kentucky, le a tseba. Ke tla le bolella ntho e le 'ngoe eo re leng eona. Ha re ma-Kentucky, re bile ha re ma-Amerika. Re baeti le bafeti. Re batla Motse o tlang ho tla.

⁴⁴ Joale bakeng sa palo, ha re baleng Bukeng ea Exoda, metsotsa e 'maloa. Ke lakatsa ho bala khaolong ea 23, le temaneng ea 20 ho fihla ho 23, 'moho. 'Me ke batla ho nka sehlooho hoseng hona, se joalo ho tsoa mona, sa ntho ena, ke rialo: *Tokoloh E Tletseng*. 'Me nke ke ka bua, halelele, joale ke sa le emetse ho phetla Bukeng ea lona le khaolo.

Bona, ke roma Lengeloi la ka hore le u etelle pele, le tle le u boloke tseleng, le u ise ngalong eo ke e lokisitseng.

U ke u itiise ka baka la lona,... mamele lentsoe la lona, u se ke ua ikhants'etsa lona; hobane le ke ke la u ts'oarela boikhantso ba hao: etsoe lebitso la ka le le ho lona.

Ke kholoa phutheho e tseba hore Lengeloi lena e ne e le mang. "Lebitso la Ka le le ho Lona."

'Me ha u mpa u mamelisisa lentsoe la lona, u etsa tsohle tseo ke tla u bolella tsona; ke tla ba sera ho lira tsa hao, ke loants'e ba u loants'ang.

Etlare ha Lengeloi la ka le u eteletseng pele, le u fihlisitse...ba-Amore,...ho ba-Hethe,...ho ba-Farese,...ho ba-Kanana,...ba-Heve, le...ba-Jebuse: ha ke se ke ba felisitse.

⁴⁵ Morena a hlohonolofatse Lentsoe la Hae re sa bua metsotso e 'maloa joale, ha le ka rapela. Ke ne ke nahanne ka temana ena, ea: *Tokoloho E Tletseng*.

Ha e sa le Kereke e le—e le palo e nyenyan. Ka litho, e tla be sa le ho le joalo, Jesu a be a fihle. Empa E phela tlasa menyetla ea Eona e abiloeng ke Molimo. Hola re ne re tsebile, ena ke Kereke ea Molimo o phelang; e seng Tabernakele ea Branham, empa Tabernakele ea Branham ke karolo ea Eona feela. Ho na le litabernakele tse ts'oanang le eo ho phatlalla le naha.

⁴⁶ Moena Snelling, bosius bona, o na le ts'ebeletso ea kolobetso. Ke lebeletse Moena Curtis o mpoleletse ho tsebisa taba eo, kapa o mpoleletse maobane, o ne a e-na le eona. O na le ts'ebeletso ea kolobetso. 'Me ha motho ea e-so kolobetsoe a le teng mona, le joale, khele, Moena Snelling o tla thabela ho etsa hoo, phirimaneng ena. Eo ke Tabernakele ea Holiness mane Utica. Le Moena Junior Jackson koana New Albany. 'Me ho na le likereke tse ngata tse joalo ho phatlalla le naha eohle. Empa bohole re phela, ho shebahala joalo, ka lehlakoreng le hlotsoeng, ho feta, bonnyane.

⁴⁷ Ke utloile Moena Neville a tsebisa hoseng hona, morao mane, ha mphihlela kelellong ea ka, eka batho ba tloha tokolohong. Eka ho na le ntho, eo, batho ba e boneng, ka baka leo ba e qhelela ka thoko, "Oh, che, Molimo a ka e etsa." Empa ha se mokhoa oo.

⁴⁸ Joale, Moshe, ha a na a bitsoa ke Molimo, e ne e le moporofeta, ea tletseng, ea feletseng.

Molimo ha o roma motho ho etsa ntho efe feela, O mo hlomella ka bottlalo ka ntho e 'ngoe le e 'ngoe a e hlokang. Ha Molimo o biletsha motho ho ba moreri, O bea ka ho eena seo a ka se rerang. Ha A 'miletsha ho ba moruti, O bea ka ho eena seo a ka se rutang. Ha A 'miletsha ho ba moporofeta, O bea ho hong ka ho eena, ho bona lipono le ho ba moporofeta. Ka mehla Molimo o hlomella motho oa Oona ka bottlalo.

Mme ke hantle seo A se entseng mohla a romang Moshe Egepeta. A mo holisa ka tsela e ikhethang. A ba a mo koetlisa ka tsela e ikhethang, 'me A mo bopa, a mo etsa, a mo betla. Hoba A ts'epise Abraham, lilemo tse makholo pele, hore O tla lokolla batho, 'me A—A bile a hopotse hore O tla etsa Moshe

hantle feela kamoo Moshe a entsoeng. Moshe e ne e le moporofeta ea feletseng. 'Me erekaha, e ne e le moporofeta ea feletseng, eaba...

⁴⁹ Joalo ka uena feela, ha u le Mokreste. Molimo ha A etse Bakreste ba sa fellang. Molimo o etsa Bakreste ba feletseng. Molimo ha o etse bareri ba sa fellang, empa e ka ba moreri ea sa fellang. 'Me Molimo o etsa bana ba Oona Bakreste, empa ka linako tse ling ke Bakreste ba sa fellang. Empa ha se sepheo sa Molimo ka bona ho ba joalo. Ke litsela tsa bona tse tsoakiloeng le leano la Molimo bakeng sa bophelo ba bona, 'me ke sona se ba etsang seo ba leng sona. Molimo ha o ba batle e le Bakreste ba sa fellang, kapa bareri ba sa fellang, ba qekang ka mahlakoreng a mabeli. Kapa... O ba batla ba eme sekheong ka bottlalo.

⁵⁰ Joale, Moshe, Molimo o mo entse moporofeta ea feletseng, bakeng sa tokoloho e feletseng. 'Me Moshe a inehetse matsohong a Molimo ka ho ferella. Ke lona lebaka le mo entseng seo a na a le sona. A phethehile hona ho Molimo hofihlela Molimo o ka mo ts'epa.

⁵¹ Kea ipotsa, hoseng hona, joale ka Bakreste, hore re tetse thato ea rona, le ho inehela ka bottlalo ha kana ho Molimo, hoo Molimo a ka re ts'epelelang sebaka seo A re beileng ho sona. Kea ipotsa, hoseng hona, ka bonna, ha nka ineeela Molimo hoo Molimo a ka nts'epang, ho ts'epa Moena Neville, ho ts'epa lekhotla la rona la literaseti, lekhotla la rona la batikone, kapa litho tsa rona tsa kereke ea rona. Rona bohole re na le sebaka, 'me re na le mosebetsi.

⁵² Moreri o na le tulo ea mosebetsi, ho ema sebakeng sa hae le ho rera menono e sa fihlelloeng ea Kreste, a sa qeke, ha a bilelitsoe ho ba moreri. A ke ke a qenehela letho la motho a le mong, ha a bilelitsoe ho ba moreri.

⁵³ 'Me setho sa kereke, se bilelitsoe ho ba setho sa sehlopha sena se itseng, joale a ke ke a qeka. Ha eba kereke e lumela re sa ts'oanela ho gembola, joale setho seo ha sea lokela ho thetsa qubu ea likarete. Re sa lumele ho noa, eka khona a thints'e hlooho ea hae ho noeng ka bottlalo. Ha re sa lumele ho gembola, kapa ho tsuba, setho sa kereke ena ha sea tlameha ho ama ntho e kang eo. Molimo o fana ka tokoloho e feletseng. Ha re...

O tla e etsa ha re ka ineeela ho Eena ka ho ferella. Ha re ka ipeha ka ho ferella letsohong la Hae, joale Molimo a ka phela ka ho rona. Kreste, ts'epo ea Khanya, A ka Ikhalmisa ka rona ha re its'uthisa tseleng. Joale mehopolo ea rona ke mehopolo ea Hae. Le nahana Kreste a ka tsuba sigara? Le nahana Kreste a ka noa, kapa a bapala likarete? Joale ha moea oa hao e le karolo ea Moea oa Hae, O e batla e theiloe holim'a maipolelo a hao. Empa u lumella Liabolosi ho kena le ho busa. 'Me ka linako tsohle, ka pelong ea hao, tlase botebong, ua tseba u phoso ha u etsa lintho tseo.

'Me ha setho se bua khahlano le setho se seng, ua tseba ho phoso. Le laeloa ho rapellana, e seng ho bua e mong khahlano le e mong, empa ho ratana. 'Me ha e mong a nyahame, ha re mo phahamiseng, ho mo thusa. Joale, hoo ho re etsa e—e—e sehlopha se kopaneng sa balumeli. Joale, ha re sa mamele taba eo, ha re mamele Molimo 'me ha re khahlise Molimo. 'Me ka baka leo, kereke ea rona, batho ba rona ba ke ke ba atleha, kereke ha e khone ho tsoelapele, ke kahobane re arohane, 'moho. Joale ka ha Jesu a boletse, "Tomoso e nyenyane e hohomosa llama."

⁵⁴ Joale, ha lekhotla la kereke, kapa joale ka e—e ka batikone, ba ka tla ba re re lokela ho...ba hopola re lokela ho haha tabernakele e ncha. Ha eo e le voutu ea batikone, 'me literaseti li botsoa 'me li hloka chelete ea ho etsa hoo, joale ba tla rala lenaneo la kaho le kang leo re ts'oaraneng le lona joale. 'Me e ntoo fetisetsoa phuthehong eohle, joale ka ha re ts'oanetse, kaha kereke eohle e ruile boholo bohle. Joale ha kereke e voutela tabernakele e ncha, joale bohle re ts'oanelo ho sebetsa 'moho ho haha tabernakele e ncha eo.

⁵⁵ Ho bua 'nete, 'na ka sebele, mohla ba ne ba bua ka tabernakele e ncha, ho 'na, ke ne ke le khahlano le mohanano. Ke hantle. Ka re, "Hantle-ntle ha re hloke tabernakele e ncha. Mohlomong ke tla tsamaea mona haufinyane, joale ka ha Morena...ha seo A mponts'ang sona se etsahala. Tabernakele e ncha re e hlokela'ng? Ha re na chelete."

⁵⁶ Ka ntoo theoha 'me ka utloa maikutlo a kereke, hore kereke, boholo, bo ne bo bonahala bo e batla. Eaba ke etsa'ng? Ka tela menahano ea ka 'me ka itahlela ka setotsoana le kereke. Ehlide, ha re e etseng. Ha lotho e fela e oela ka ng'a eo, ho bile joalo mehleng ea Bibele, ka moo kereke e voutileng. E—e matla, lihlopha tsa batho, li a kopana. Kopano ke matla. Ka baka leo, ha ho le joalo, ka re, "Ruri, ha kereke e batla joalo, ha e le seo Molimo a se batlang, ha A khona ho vounta ka sehlopha sohle sa batho o moholo ho feta ha A vounta ka 'na, kahobane ke sa bona pono ea hore ha e a lokela." Ka baka leo re ikhakhela le kereke 'moho, 'me re tsamaea le kereke. 'Me kea e ts'ehetsa, ho etsa sohle seo nka se khonang, le a bona, ho thusa kereke.

⁵⁷ Eka khona e be sepheo sa Mokreste ka mong le motho ka mong ka hara kereke seo, ke ho ipopa ngata e le 'ngoe le ho khomarelana. Sohle seo kereke e se voutelang, ke sona seo re lokelang ho se emela. Ha re re, ho tea mohlala, ho batla ho fetola ntho ka hara kereke. Che, joale he, ha literaseti li batla joalo, eona...motho e mong a batla joalo, batikone, ba batla ho fetola ntho, taba eo e behoa pel'a kereke, joale he kereke mmoho. 'Me ha eba—ha eba mohopolo oa rona mona o bonahala o fapane le seo kereke eohle e se buileng, ha re teleng mohopolo oo, kahobane e le ona feela mokhoa oa ho ema re kopane. 'Me ha kereke ena e ka tsamaea kamoo le tsamaeang

joale, 'me ea ba 'moho, Molimo o tla... Ho ke ke ha lekangoa, seo A tla se etsa, ha re ka khomarelana 'moho. Re ts'oanetse ho khamarelana 'moho. Ke kamoo re batlang ho ba kateng, ho kopana le e mong ka ho ferella, 'me hape le ho fellka hara matsoho a Molimo.

⁵⁸ Joale re lokela ho fumana monna eo re lumelang a rera Lentsoe la Molimo. Ha monna eo a sa etse hoo, le mpe le fumane monna ea e etsang. Ke kamoo re ts'oanelang ho ema. Ha lekhotala literaseti le sa emele se lokileng, joale ke ts'oanelo ea lona ho khetha motho ea tla emela se lokileng. 'Me joale ha le etsa ntho eo, le e emele. Ho its'etlehole ho lona. Le e emele. 'Me, bohle 'moho, re emela Ntho e le 'ngoe, ke Molimo.

⁵⁹ Ha setho se etsa phoso, le se ke la mo nyahlatsa. Mo thuseng. Mo phahamiseng. Le kopane 'moho, le ke le eletsane 'moho. Ke seo Lengolo le se buang. Ha re etsa phoso, re ke re eme pel'a Molimo. Pele re ka ema pel'a Molimo, re lokela ho ema pel'a motho eo re mo hlabejisitseng.

⁶⁰ Ke sa tsoa lokela ho etsa hoo. Kea tseba hore ke ne ke entse phoso. Ka bua leshano, ka buisa mosali oa ka leshano. Kea khola nkile ka le bolella eona, mona kerekeng. E ka ba matsatsi a 'maloa, ha se khale haholo, e ka ba liveke tse ts'eletseng tse fetileng. Maqwetha a ne a mpherekantse hona, ka patlisiso ena, ho fihlela ke se ke sa tsebe moo ke ne ke le teng. Ke sa tsoa fihla hae ho tsoa ofising, ho ja tinare. Eaba mohala oa poraefete oa lla, 'me Meda a ea arabela mohala. A o koahela ka letsoho, a re, "Ke maqwetha ao hape."

⁶¹ Ka re, "Nke ke ka mamella phirimana e 'ngoe hape. Ekare hloho ea ka ea khaoha. Ke lahleholoa ke kelello ea ka, ke huleloa feela ka mona, le ka mane, le ka mona." Ka re, "Ha ke khone ho e mamella." Eaba kea tlola, 'me ka re, "Ba bolelle ha ke eo ka mona," ka matha ke potela ka ntlo.

⁶² Ha ke khutla... Meda o letsoalo haholo linthong tse joalo. A kopana le 'na monyako, a se a kheleletse likeleli. A re, "Bill, ana ho ne ho loketse ho etsoe joalo?"

⁶³ U tseba kamoo motho u leng kateng. Ke tseba kamoo ke leng kateng. Ka re, "Ehlile. Ke ne ke le sieo ka mona nakong eo." Ka tseba hobane Molimo o nkahloletse hona. Ka re, "Ke ne ke le sieo ka mona nakong eo."

Ho re, "Empa u ne u le teng ha a ne a lets."

⁶⁴ Thapama eo ka ea rapella lesea le kulang. 'Me pele ke tloha hae, mohala oa lla hape, 'me Joseph e monyenyan a matha a ts'oara mohala a re, "Ntate, u batla ke ba bolelle ha u eo mona?" Le bona kamoo sebe se silafatsang kateng, hore lelapa leo le tla qetella e la mofuta ofe?

⁶⁵ Johanne oa Pele, khaolo ea bo-5, le temana ea 21, e itse, "Ha lipelo tsa rona li sa re ahlole, re na le ts'epo ho Molimo."

Empa ha lipelo tsa rona li re ahlola, re ka ba le ts'epo ho Molimo joang? Re a tseba, ha feelsa re ena le sebe se sa boleloang, A ke ke a re utloa. Ke taba e thata, empa, ke—ke—ke, kereke e hloka lintho tsena.

⁶⁶ Eaba ke qalella ho rapella lesea lena. 'Me eitse ha ke qalella ho beha matsoho holim'a lona, Morena a nkhaledema a re, "U buile leshano. Ha u a lokela ho rapella lesea leo."

⁶⁷ Ka tloha ka furalla monna eo. Ka re, "Monghali, u mpe u eme mona. Ho na le ntho eo ke lokelang ho e lokisa."

⁶⁸ Ka letsetsa 'muelli ka ba ka theohela ofising, ka 'mitsetsa ka hare. Ka re, "Bona, monghali, ke buile leshano. Ke buisitse mosali oa ka leshano. O itse ke ne ke le sieo ka mono, 'me ka mathela ka morao ho ntlo." Eaba ke ipolela eona 'me ka 'molella ka eona.

⁶⁹ A atamela a bea matsoho a hae lehetleng la ka. A re, "Moena Branham, e sa le ke u ts'epa, empa ke u ts'epa le ho feta joale, monna," a re, "ea ikemiseltseng ho lokisa liphoso tsa hae."

⁷⁰ Ka 'molella. Ka re, "Ke ile ka qalella ho rapella lesea, 'me Morena o ne a nkahlola, ka pelong ea ka, hoba ke tsebile ke ne ke entse phoso."

⁷¹ Eaba, tsatsi le latelang, mosali o re, "U ea kae?"

Ka re, "Lehaheng la ka."

⁷² 'Me ka nyolohela lehaheng la ka, holimo ka holim'a Charlestown, moo e sa le ke ea teng, ka lilemo. Ke kena ka mono, ka rapela tsatsi leo lohle, "Oho Molimo, u se ntumelle ho etsa ntho e joalo hape. U nts'oarele, Morena, hoba ha ke qala ke beha matsoho a ka holim'a bakuli, ho rapela, ka ahloleha." Ho ella horeng ea boraro mantsiboea, ka tsoa. Ho na le lefika le leholo le robetseng mono. Ka hloella holim'a lefika leo 'me ke shebile nga bochabela, ke phahamisitsen matsoho, ke rorisa Morena. 'Me ho khutsitse haholo mono. 'Me ka re, "Morena, ha feelsa U ka... U kile ua feta pel'a Moshe, 'me a re e ne e le... mohla U ne u mo kentse lefarung la lefika, 'me eka mokokotlo oa monna." Ka re, "Na U ka etsa joalo hape, Morena? Ke tle ke tsebe hobane ke ts'oaretsoe." 'Me ka re, "Ha U ka nthusa 'me ua fihla kelellong ea ka..." Ka re, "Morena, monahanong, ha ke matla hakaalo, hoba ha ke na thuto." Ka re, "Ebile ke—ke leka ho U sebeletsa. U tseba pelo ea ka, 'me ke ne ke sa... Ke ne ke sa ts'oanelo ho etsa ntho eo. Ke ne ke sa ikemisetsa ho etsa ntho eo. Hlooho ea ka e ne eka e a khaoha, ke ne ke ferekane haholo, 'me ke e entse ka ho panya ha leihlo ha Satane a ne a nts'oara." Ka re, "Ha U nts'oarela, ha nke ke U bone, joale, Morena."

⁷³ Molimo e leng Moahloli oa ka; hantle feelsa ka lehlakoreng la ka, sebakana se hara lihlahla sa qalella ho tsokotseha joale ka Sefefo, 'me Sa atamela hantle pel'a lefika leo ke ne ke le ho

lona, 'me sa feta sa kena hara moru. Oho, moena, khotso e fetang kutloisiso eohle ea phalla holima ka, 'me ka lla. Ka bokolla. Ka hoeletsa. Ka tseba ke ne ke ts'oaretsoe libe tsa ka. Le a bona, ke ne ke arohane le Molimo, nke ke ka lokolla lesea.

⁷⁴ 'Me tsatsing le latelang monna a tsoa Chicago, e le monna ea phahameng, mo-Katolike ea sa tsoa sokoloha, livelef tsa pelo ea hae li ruruhile eka chupu ea kahare e tlalellaneng moea, 'me ba lekile ka nako e telele ho li khaola, ba batla ho etsa joalo, 'me a 'na a ba latolela. Qetellong a fumana monyetla oa hlahlolo ea puisano. Hlahlolo tseo tsa puisano, re tiisetla ho eona ho fihlela re fumana se phoso. 'Me monna o 'na sa tsoa kena feela, Moea o Halalelang oa be o se o khutlela morao bophelong ba hae 'me oa hotolla ntho a 'na e etse e sa le moshanyana oa aletare kerekeng ea Katolike. A re, "Ke 'nete. Ke 'nete e tiileng." Ho re, "U bolela hore ntho eo e ne e le khahlano le 'na?"

Ka re, "Ke sona feela seriti seo nka se bonang bophelong ba hao."

⁷⁵ A khutla a bolella ngaka, ho re, "Ho lokile, u ka lokisa thepa joale, re ka etsa oporeishene."

⁷⁶ Ngaka ea re, "Re tla sheba mochini oo hape." 'Me eitse ha a o sheba, a re, "Ha u hloke oporeishene." Le a bona?

⁷⁷ Ha lipelo tsa rona li re qosa, re batla tokoloko e feletseng. Ha re batle ho ba kereke, e sa fellang. Re batla ho ba kereke ea 'nete kapa re se be kereke ho hang. Re batla ho ba Bakreste ba 'nete kapa re se be Bakreste ho hang. Re batla tokoloho e tletseng litloaelong tsa rona, libeng tsa rona, mehopolong ea rona e mebe, liketsong tsa rona tse mpe, bohlasoeng ba rona, ho sohle seo re se entseng. Re batla tokoloho e tletseng, hore ha batho ba kena ka hara kereke ena, ba batla ho rapelloa, sehlots'oana sena (mohlomong se sa feteng lekholo, kapa a mabeli) se tla be se lutse mona, empa ba tla be ba kene matsohong a Molimo ka bottlalo. 'Me ha re rapela, Molimo o tla utloa a le Leholidong. Molimo o batla motho eo A ka mo ts'oarang letsohong la Oona, motho eo A ka reng ho eena, "Ke na le ts'epo. Nka romela enoa, mohlanka oa ka ea kulang, Tabernakeleng ea Branham mane Jeffersonville, 'me sehlopha seo sa batho se na le mohopolo o le mong." Ntho e 'ngoe e tla etsahala.

⁷⁸ Che, shebang seo A re etsetsang sona maemong ao re leng ho ona. O na a tla etsa'ng hola re le pelo e le 'ngoe le khopolo e le 'ngoe? Mokhoa oo re ka etsang hoo feela, ke ho teanya lipelo tsa rona 'moho ka lerato la boena, ho mamela liofisiri tsa kereke, le molisa, le molisa a mamele Molimo. Joale Molimo o sebetsa ka molisa, ka lekhotla, ho kena kerekeng, 'me bohole 'moho ke bonngoe bo le bong 'Musong oa Molimo. Joale Molimo o tla utloa, ha re ena le sehlopha se kopaneng. Le se lumelle letho ho le sitisa. Le se ke la nyahamisoa ke letho.

⁷⁹ Joale, ke mofuta oa motho eo Molimo a mo khethetseng ho hapa naha. Moshe o ne a phethehile, e le monna ea sa qekeng. Ha likhang le likhohlano li ne li hlaha, le tse joalo, o ne a sa qekise. Ke seo Molimo a se batlang ho rona joale.

⁸⁰ Faro o ne a batla ho lumela, ho re, "Moshe, le ka ikela bohle, 'me, empa, le ka siea bana ba lona, kapa la siea makhomu a mang a lona mona."

⁸¹ Ke kamoo Liabolosi a batlang hore Mokreste a tle kateng. "Ho tla itokela ha u ngolisa kerekeng, empa u se ke ua ba ua ts'oarella Jones. Ho tla itokela ha u itlela le... ha u ka ea... Ha u a lokela ho tlolahela koae, ho noa ha hao, leshano la hao, ho utsoa ha hao, ho supa liphoso ha hao, ho seba. Ha u a lokela ho li tela. Ngolisa kerekeng feela."

⁸² Empa Moshe e ne e se moqeki. O ne a batla tokoloho e feletseng. A re, "Re ke ke ra siea le tlhako e le 'ngoe. Re tla nka ntho e 'ngoe le e 'ngoe ea rona, ha re ea ho sebeletsa Morena."

⁸³ Kereke e lokela ho ba ka tsela eo. "Re tla nka ho loka. Re tla nka khalalelo. Re tla nka Moea o Halalelang. Re tla nka sehlopha se kopaneng ha re ea aletareng. Re tla ba sehlopha sa 'nene. Re ke ke sa siea letho. Re tla nka ntho ka 'ngoe. Ho ke ke ha sala le tlhakoana e le 'ngoe mona." Le a tseba, batho ba ka rapela hoo Liabolosi a ka telang.

⁸⁴ Moshe le sehlopha sa hae ba sebelitse joalo. Ba fihla mono 'me ba kena tlasa Mali. Le hlokometse, pele ba kena tlasa Mali, tokoloho e tletseng e ne e le sieo. Moshe, ka bo-eena, o ne a kopane le Molimo, empa e seng Iseraele. Sebe se sa le teng. 'Me ba luma-luma khahlano le Moshe, 'me ba re, "Hobaneng, hobaneng o etsa sena? O re atiselitse mathata ho feta." Kahobane, Faro o na a sa tsoa menahanya palo ea litene tsa bona habeli, le joalo-joalo. E ne e le Moshe eo; o ne a le ka hara matsho a Molimo ka ho ferella, a lokolotsoe ka bottlalo ho aloseng linku, ho alosa linku tsa Molimo. A lokolotsoe ka bottlalo, ka bo-eena. Empa batho ba sa lokolloa, kahobane ho luma-luma ha 'na ha utloahala hara bona.

⁸⁵ Bosiu bo bong ha Molimo o se o khethile ho hlabjoa ha konyana, papiso ea Kreste, 'me mali a qopetsoa ka hisopa, e leng, litlamatlama feela (sa tloaelo, se nyatsehang), le ho ts'asoa koseneng ea monyako le holim'a metheo, ke hona ha Iseraele e ne e lokoloha ka bottlalo, ho sa siuoa le tlhakoana. Le tsohle tsa bona tsa lokolloa. Malapa a bona, baratuoa ba bona, 'me ntho e le e 'ngoe ea lokolloa ha ba ne ba kena tlasa mali ka bottlalo.

⁸⁶ Ke mohla kereke e tla lokolloa ka bottlalo, ha ntho eohle e kena tlas'a Mali. Ha libe tsa lona li kena tlas'a Mali, ha ho tsuba ha hao, ha ho gembola ha hao, ha ho qhekanyetsa ha hao, ha ho utsoa ha hao, ha ho bua leshano ha hao, ha ntho eohle e kenngoa tlas'a Mali, joale ho tla fihla tokoloho e tletseng. Ha u sitetsoe motho, e lokise. U ke ke ua e kenya tlasa Mali, e ke ke ea lula. U

ke ke ua tla le eona. Ntho e 'ngoe e tla u thibela ho e etsa. Ha botho ba hao ka botlalo, u kene tlasa Mali ka ho phethahala, ho tla fihla tokoloho e tletseng; joale u tla ba le khotso eo u e-so e tsebe pele. Ha ntho e eohle e kena tlasa Mali, e behoa tlasa taolo ea 'Muso oa Molimo, joale ho tla fihla tokoloho ea sebele.

⁸⁷ Jesu e ne e le motho ka ho felella, ka botlalo. A khona ho lla joale ka motho. A khona ho ja joale ka motho. A khona ho khathala joale ka motho. E le motho ka ho felella, ka botlalo, bothong ba Hae ba nama. 'Me Moeeng oa Hae, E le Molimo ka ho felella, ka botlalo, ka hona A bea nama ea Hae ho ikokobeletsa Moea o nong o le ka ho Eena. Le a bona, A lekoia ka mekhoa eohle joale ka rona. E ne e le motho, e seng Lengeloi. E ne e le motho. A ena le litakatso le meleko, joale ka rona. Bibele e Mo boletse joalo. E ne e le motho, e seng Lengeloi le ka holim'a moleko. Baheberu 1 e 'Moletse joalo. Baheberu 1:4. O entsoe ea ka tlasana ho Mangeloi. E ne e le motho, motho ea feletseng; ke hore Molimo oa nka motho ea feletseng, ho hlahisa tokoloho e tletseng, 'me A Mo tlatsa ka Moea oa Hae. Moea o Halalelang o no o le ka ho Eena, ka ntle ho tekanyo. 'Me A lekoia joale ka rona. 'Me E ne e le Molimo ka ho felella. O e pakile ha A ne a tsosa bafu, ha A ne a khutsisa tlhaho, maoatle a hobang le mee a matla. Ha A ne a bua le lifate, le joalo-joalo, li ne li Mo utloa. E ne e le Molimo, ka hare. 'Me E ka be ebile motho, kahobane E ne e le motho, empa A Ineela ka botlalo le ka ho felella (joale ka motho) matsohong a Molimo, bakeng sa mosebetsi oa Molimo.

⁸⁸ 'Me ke Eena mohlala oa rona. Rona re banna le basali. Hape re Bakreste. Ha eba E le mohlala oa rona, re ke re inehele ka ho felella matsohong a Moea o Halalelang, re tle re be baahi ba 'Muso oa Molimo.

⁸⁹ E ne e le motho ka botlalo; E ne e le Molimo ka botlalo. Empa a neela likarolo tsa Hae tsa tlhaho nthong ho Eena... le likarolo tsa Hae tsa nama, le mohopolo oa Hae, le ho sebetsa ha Hae, le lithato tsa Hae, 'me, "Ke etsa tse khahlisang Ntate feela." Ke moo he. Ho lokolloa bathong ka botlalo. Baprista ba kile ba tla ho Eena, banna ba baholo, 'me ba re, "Rabbi, sekete-kete," 'me ba leka ho Mo ngokela mekheng ea bona le liphuthehong tsa borapeli. Empa O ne a inetse ka ho felella kahoba A ne a ts'epile Molimo.

⁹⁰ Ana Mopesalema ha a re, "Ke Uena ea tla Mo lokolla, hoba A its'epetse 'Na ka ho phethahala"? Le a bona? "Ke tla lokolla Moratuoa oa Ka lintjeng, ka hoba A its'epetse ho 'Na."

⁹¹ Mohla hora ea rona ea pheletso ea leeto la bophelo e fihlang, ke ipatlela eona. Kea tseba le lona le ipatlela eona. Ke batla A tle a re, "Ke tla mo lokolla littleneng tsa lefu, hoba a its'epetse 'Na. Ke tla mo lokolla lebitleng, hoseng ha tsoho, ho mo lokolla ka botlalo, soule, 'mele, le Moea, hoba u its'epetse 'Na."

⁹² Mesebetsi eohle ea Jesu e ne e phethehile. Ntho e eohle e ne e phethehile, ka botlalo, e lokolotsoe. A lokolla molepera lepera ka botlalo. A lokolla mosali ea nang le phallo ea mali ka botlalo, phallong ea hae. A lokolla lefats'e sebeng ka botlalo, mohla A ne a shoa ka letsatsi la pheko. A lokolla sebe se seng le se seng ka botlalo. A lokolla Kereke. Ka hona lebaka la ho phela re le batho ba tinngoeng monyetla, ha le eo. Ha ho lebaka la hore re phele maemong a ho hloloa, hobane O hlotse Liabolosi 'me a hapa marena le mebuso eohle, A ba a e beha tlasa maotso a Hae, 'me ha li na litokelo tsa letho tsa molao ho le busa. Re Bakreste, re tlatsitsoe ka Moea o Halalelang. Ha rea lokela ho dict-... ho lumella Liabolosi ho re laola. Kreste o re lokolotse, tokoloho e tletseng; ho re lokolla bobeng, ho re lokolla sebeng, ho re lokolla litloaelong, ho re lokolla ho bueng, ho re lokolla ho-ho ba motho e mobe, ho re lokolla linthong tse manyala. A re lokolla ka botlalo 'me a re kenya matsohong a Hae a halalelang; tokoloho e phethehileng, e tletseng.

⁹³ O re lokolotse maloetse a rona. O re lokolotse maloetseng, hoba re fumane lengolo la tokelo teng. Alleluia! "A tetekoa ka baka la makhopo a rona, re folisitsoe ka maqeba a Hae." Ke Mofolisi oa rona. Ke ka hona mosali eo oa batho, e monyenyan, ea ts'oeroeng ke pholio, a ntse a leka ho hlokomela monna oa hae ea bolaoang ke mofets'e, a bileng a kena selikeng sa Sefahleho sa Molimo. O ne a e-na le tumelo. 'Me eena... Lingaka li se li entse sohle seo li ka se khonang, eaba o latela litaelo tsa Molimo 'me a lokolloa ka botlalo.

⁹⁴ Barutuo ba ne ba fumane tokoloho e tletseng, tokoloho e tletseng ruri. Hobaneng? Kahobane ba ne ba tlatsitsoe ka ho ferella le ka botlalo ke Moea O Halalelang. Ha uena, u leng setho sa kereke feela 'me u tsukutla matsoho a molisa, kapa nthoana... u ile ua fihleloa ke bophihleloniana ba ho qhoma, ho hoeletsa, kapa ho bua ka lipuo, leha e le ntho e 'ngoe e sele; u sa ntse u le lonya pelong ea hao, ka liketso li sele, ho bua leshano, ho tsuba sakrete, ho lakatsa basali; ho na le ntho e-so etsahale. Phoso e teng. "Hoba ea ratang lefats'e, leha e le lintho tsa lefats'e, lerato la Molimo ha le eo ho eena." U thetsitsoe. "Le tla ba tseba ka litholoana tsa bona."

⁹⁵ Bohle re batla ho kopana 'moho, ka Moea o Halalelang. Setho ka seng se lokela ho kopana 'moho, e mong a kopane le e mong. Lerato la Molimo le ts'etsoe lipelong tsa rona, ke Moea o Halalelang. O re hloekisa ho tsohle tse sa lokang. Re lokolotsoe linthong tsa lefats'e. Jesu o itse, "Batho ba tla tseba hobane le barutuo ba Ka, ha lona, le ratana." Ha setho se seng se rata se seng hoo a ka mo shoelang.

⁹⁶ Ha nthoana e mpe e qaleha, lefats'e le ka ntle, basali ba bang ba ee ba tle ba re, "Joale, sheba, moratuo. Ho ka ba

molemo ho uena ho etsa *sena*, kapa ho etsa *sane*, ho apara *sena*, kapa ho etsa *sane*, kapa ho etsa *sena*, ua tsoa hara sehlopha seo sa bathethehi ba halalelang,” kapa ntho e kang eo.

⁹⁷ Rona le Molimo re ntho e le 'ngoe ha kakang! U re, “Che, Moena Branham, ke moleko o mobe haholo.” Empa Kreste o shoetse morero oo. Liabolosi o hlotsoe. Re batla tokoloho e tletseng. Re batla kereke e hloekileng e hlatsoehileng e sa lubakanang, le e hlatsoitsoeng Maling a Konyana, le ho tlatsoa ka Moea o Halalelang, le liponts'o le meeka le mehlolo. [Sekheo lebanteng—Mong]...ho lokolla e mong le e mong ka botlalo. [Sekheo lebanteng].

⁹⁸ Molimo o ratehang, ha U ke u nka lintho tse sa lokolohang ka botlalo. Ua na ua hana ho amohela sehlabelo se sekoli. U ke ke ua amohela thapelo, sebe se ntse se le teng morao bophelong ba motho eo. U ne u sa tlo etsa hoo, Morena. Ha Ua ka ua e etsa mengoaheng e fetileng, 'me U ke ke ua e etsa kajeno. Empa sehlabelo se ts'oanela ho hloka sekoli. Morena Molimo, re sa ipoha aletareng, bophelong bo entsoeng sehlabelo, tlosa ho rona, oho Morena, likoli tsohle tsa sebe. Ke robatsa moea oa ka, le 'mele oa ka, le matla a ka, le boiteko ba ka, 'moho le kereke ena hoseng hona, holim'a aletare. Re hloekise ka Mali a Hao, le ho re ts'oarela sebe ka seng seo re se entseng. 'Me Moea o moholo o Halalelang o ke o lule ka ho rona ka ho khaphatseha, le Boteng ba Hae ho tloha le rona tabernakeleng ena hoseng hona, hoo re tla tseba ka ho rona hobane O re ts'oaretse. Joale thapelo e tla ba, “U re ts'oarele melato ea rona joale ka ha re ts'oarela ba re sitetsoeng.” Fana ka sena, Morena.

⁹⁹ U ke u eme haufi le rona, re hlohonolofatse 'me u re baballe ho fihlela re kopana ts'ebeletsong ea mantsiboea. Re ke re tle ka matsoho a hloekileng le ka pelo e hlatsoitsoeng, hoo U sa tlo hana, hoba re batla tokoloho e feletseng le e tletseng nthong eohle, Morena, e ka re sitisang ho fetoha leseli la lefats'e; kandelare e beiloeng holim'a thaba, ho se morula holim'a eona, empa kandelare e hlomiloeng holim'a thaba, e bonesetsang maoto a batho ho ba tsamaisa tseleng e lokileng. Fana ka sena, Ntate. Re e kopa ka Lebitso la Jesu, le bakeng sa Tlotliso ea Hae. Amen.

¹⁰⁰ Ke tla kopa Doc...Kea kholoa o teng morao mane, kapa e mong oa batikone ba leng teng. Kereke e tle e bale taba ena, Doc, tlo u hlome ntho ena letlapeng la litsebiso kereke e tle e le bone ha e tsoa. Le Moena Collins, ha eba a le teng mona...Na Moena Collins o teng? Mo neeletseng le leng ke lena.

¹⁰¹ 'Me, ho lokile, monghali, 'me re tla bona seo...[Moena Branham o thola ho balla lengolo ka pelong—Mong.] Ke motho ea batlang hlahlobo e ikhethang. Ho etsoa joalo ka mehla. Re thabile.

'Me ke ee ke ts'oarane le lihlahlobo tse ikhethang. Le a bona, seo le se etsang ke ho letsetsa nomoro ea rona mono. Re-re bile le mathata a mangata lapeng, kereke ea tseba. Mona ke baeti. Kereke ea e tseba. Eka khona ho behoe sekhechana... Ke tla se beha ka kerekeng ka mona, hape, bakeng sa batho ba tlang. Lea bona, ho na le lintho tse ngata, tseo re sa li khoneng kaofela, ha e se ha li tla ka mohala. Lea bona? 'Me re... Ha le ka letsetsa feela BUTler 2-15-1-9, BUTler. 'Me mang le mang oa litho ea kopanang le motho ea batlang, kamehla ke thabela ho bonana le batho. Empa re beile tsamaiso e tloaelehileng. Ho na le ba seng ba letsitse, ba 'maloa, le a bona. 'Me re feta, ka bonngoe ka bonngoe, joale ka ha re tla. Hape ho na le... Re ne re tloaetse, ho etsa moferefere ka eona, ka mokhoa ofe feela, ho tlola, le ho qhoma, batho ba ee hae ba soabile le ntho e 'ngoe le e 'ngoe. Joale ba beile ntho eohle taolong. 'Me ke seo re lekang ho bua ka sona joale, le a bona, ho bea ntho ka 'ngoe taolong, ka ho phetheha feela.

'Me ke tla thabela ho bona moifo ona o ratehang, ha ba ka letsetsa feela BUTler 2-15-19 (1-5-1-9), 'me Mongh. Mercier kapa Mongh. Goad, e mong, o tla arabela mohala a le boelle mohla le ka laetsang. Re na le sebaka ka ntle mane, se kentsoeng morero o laolang moea, 'me se malala-a-laotsoe ho amohela batho le ho ba rapella. Re thabela ho etsa hoo feela.

¹⁰² Joale, lebaka leo ke sa tleng kerekeng, batho ba nahana ke leka ho balehela batho; ha se eona. Ke leka ho—ho kena taolong hantle. Le a bona? Ke seo ke batlang ho ba sona, ke se ee ka ts'obotsi ea motho. Motho e mong le e mong, mang le mang, hohle, nako le nako, le a bona; 'mala, tumelo ha ho moo e amanang le eona teng. Re ea mono hantle 'me re kopana le batho. 'Me ha ba e-na le tlhoko, re ema le Molimo ho fihlela e rarolotsoe. Ha ba batla ho tseba letho ka likopano, ehlide, rea hlokomela re bile re e kenya faeleng. E mpa e le tataiso ea Moea o Halalelang. 'Me hoo ke... Ka mokhoa oo, kea kholoa ke toka, e sebetsa ka ho ts'oana motho e mong le e mong. Ka baka leo, ha ho uoe ka ts'obotsi ea motho, ts'obotsi ha se eona.

¹⁰³ Ho na le batho ba tlileng ho rapelloa, hoseng hoo, ba neng ba kula 'me ba batlile ho rapelloa? Ke hantle. Ha ba eo.

Ha ho le joalo ha re bineng thoko ena ea khale bakeng... ho rapela. Re ka bina'ng hoseng hoo? "Ke'ng ho ntlhatsoang sebeng?" Ua e tseba, Teddy? "Ke Mali a Jesu feela." Ke'ng ho ka...

[Khaitseli phuthehong o bua ka mofumahali ea kulang haholo—Mong.] Ho lokile, monghali. Le batla ho mo rapella hona joale?

Ke tla rapella mofumahali eo. Ho bea matsoho holim'a mosali enoa mona. Le ka inamisa lihloho tsa lona le 'na, joale he, ka khutso joale. [Moena Branham o tloha maekeng oa sefala—Mong.]

¹⁰⁴ Molimo o ratehang, ho na le mofumahali ea kulang haholo. Khaitseli ea rona o ile a nyehela 'mele oa hae, esita le ho tlosa mofets'e ho ba bang, ho ema sekheong, ho emela ba bang. Empa U mo lokolotse nthong eo, Morena, matsatsing a 'maloa a fetileng, ha lintho tsena li ne li tsebisoa. Mo lumelle ho iphumanela eona, ka bo-eena, joale, Morena, o tla tseba hobane e tsoa ho Uena. Ke beha matsoho a ka holim'a hae, 'me ke kopela mosali eo a mo emetseng mohau. A mohau oa Molimo, matla a Moea o Halalelang... Ha ho e-na le bobe lipelong tsa rona, Morena, re senolele bona, pele, re ntoo ea, re bo lokise. Joale re tseba ke hona hobane re na le mohau ho Molimo, re khotsong le Molimo, re na le seo re se kopang, hoba ho se se re qosang. Fana ka sena, Morena. Ka Lebitso la Jesu kea rapela. Amen.

Ho lokile. [Moena Branham o khutlela sefaleng—Mong.]

Ke'ng ho ka ntthatsoang sebe?
Ke Mali a Jesu feela;
Ke'ng ho ka mphelisang hape?
Ke Mali a Jesu feela.

Ke phula e ntle joang
E ntthatsoang sa lehloa;
'Liba se seng ha se eo,
Ke Mali a Jesu feela.

¹⁰⁵ Ke ba bakae ba utloang libe tsa bona li kene tlasa Mali ruri? Ha re e bineng ka matsoho a rona a phahametse holimo joale.

Ke'ng ho ka ntthatsoang sebe?
Ke Mali a Jesu feela;
Ke'ng ho ka mphelisang hape?
Ke Mali a Jesu feela.

Joale re sa theola matsoho a rona, a re tsukutlaneng ka matsoho hohle.

Phula e ntle . . .

Ke hantle, ka nq'a tsohle.

. . . sa lehloa;
'Liba se seng ha se eo,
Ke Mali a Jesu feela.

Le a Mo rata? [Phutheho e re, "Amen."—Mong.] Amen.

Oh, kamoo ke ratang Jesu,
Oh, kamoo ke ratang Je- . . .

Joale le lule ho eona, joale. E mong le e mong a its'oarelle ho Molimo.

Kamoo ke ratang Jesu,
Hoba A nthatile pele.
Nke ke ke ka tlohela . . .



TOKOLOHO E TLETSENG SST59-0712
(A Total Deliverance)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Sontaha hoseng, Phupu 12, 1959, mane Tabernakeleng ya Branham, e Jeffersonville, Indiana, U.S.A. o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2006 ke ba ha:

©2006 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org